

國初群雄事略

國  
語  
群  
書  
考

國初羣雄事略卷五

虞山錢謙益牧齋甫編

夏明玉珍

玉珍隨州人至正二十二年自稱皇帝國號大夏改元天統在位五年二月卒壽三十六子昇立改元開熙在位六年國亡

至正十一年

辛卯

天完治平元年

蜀有明氏一曰晏氏名玉珍隨州玉沙村人也家世務農玉珍身長八尺目有重瞳性剛直鄉閭有訟皆往質焉

黃標

平夏錄

徐壽輝起蘄水玉珍與里中父老謀避兵父老曰足下素

剛直能集壯勇保全鄉里是所望也玉珍于是招集鄉人  
得千餘屯于青山結寨柵自固眾推玉珍爲屯長

實錄明  
玉珍本

傳

重慶號旻瞎子先沔陽人瞎一目爲巡司弓兵牌子頭隨  
倪蠻子爲盜

夏主母夢與神遇遂娠而生有異相家世以農畝爲業少  
負大志不屑爲也辛卯兵起潁蔡間因部署諸鄉豪屯青  
山修柵治城以保鄉里有眾十餘萬眾遂推爲屯長

新都  
楊學

可編明氏實錄

至正十三年

癸巳

天完治平三年

癸巳冬十一月徐壽輝使人招玉珍日子起兵舉義期逐

胡虜以靜中夏若歸其圖大事不來且先誅之王珍懼且欲保鄉里不得已從焉壽輝待以殊禮授統兵征虜大元帥仍領所部益兵俾鎮沔陽時元帥哈麻禿爲患洞庭玉珍與連戰湖中流矢中右目

明氏實錄

壽輝攻陷荊湖州縣遣人招王珍曰早降共富貴不來舉兵圖之王珍懼遂降壽輝俾爲元帥復益兵俾鎮沔陽與元將哈麻禿連戰湖中流矢中右目

平夏錄云人呼爲

旻瞎子

實錄本傳

壽輝招王珍在癸巳十一月但云壽輝都漢陽王珍歸之則誤也壽輝以壬辰春陷漢陽癸巳五月阿魯輝復漢陽乙未七月倪文俊復陷之至丙申冬壽輝方都漢陽癸巳

十一月尙在斬也王珍之歸天完定在丙辰己巳兩年其  
詳不可攷矣

明氏實錄

至正十七年酉天完治平七年

二月倪文俊陷陝州破鹿盧關明玉珍又進陷川蜀諸郡因  
據守之

實錄徐壽輝本傳

二月甲戌倪文俊陷陝州詔以高寶爲四川行省參知政  
事將兵取中興不克賊遂入鹿盧關是歲倪文俊陷川蜀  
諸郡命僞元帥明玉珍守據之

元史順帝紀

王珍旣鎮沔陽甲午秋沔陽水澇連歲民采菱魚而食乙  
未夏王珍將兵萬餘駕斗船五十艘上夔府哨糧時夷陵  
屬天完參政姜珪鎮守王珍泝流至巫峽資糧皆滿載蜀

人亦不知擾也丙申冬玉珍自巫峽將還先是元四川行省右丞相完者都鎮重慶募兵辰州人楊漢者元義兵元帥也以精兵五千屯西平寨丁酉春三月漢以兵至重慶屯江北完者都誘漢來謁席間殺之欲併其軍漢將士謀復仇不克乃虜船下流適遇玉珍于巫峽訴其事且言重慶城中兵備單弱完者都與左丞相哈麻禿兩不相下若回船出其不意攻之取重慶如反掌耳玉珍猶豫未決萬戶戴壽曰烏困投林人困投人且明公脩兵沔陽爲民也哨糧于蜀亦爲民也不若分船爲二以其半載糧還沔以濟荒以其半因漢兵攻重慶事濟則據之不濟則歸何損也且此兵之出窺隴蜀據上流保荆襄開糧道一舉三得

幸勿他慮玉珍從之遂率兵至重慶時蜀中承平日久忽  
斗船大集遠近騷動完者都夜遁果州哈麻禿出戰被執  
父老迎玉珍入城玉珍禁止侵掠城中安堵如故旁近降  
者絡繹不絕遣使獻哈麻禿于壽輝是歲秋壽輝以玉珍  
爲隴蜀省右丞

平夏錄

明氏實錄

丁酉春倪文俊陷峽州令玉珍以斗船五十艘掠糧川陝  
間時四川行省右丞完者都左丞哈麻禿募兵重慶義兵  
元帥楊漢聞之率兵五千自西平寨至重慶屯兵江北單  
騎入謁完者都欲圖其兵置酒飲漢酒酣欲殺之漢覺脫  
身走歸營將士皆怒遂放船下峽按實錄載哨糧事在丁  
酉春又云楊漢走歸與平夏錄明氏實錄互異俟更考之



實錄本傳

十二月丙戌徐壽輝將明玉珍據重慶路實錄

十二月明玉珍據成都初壽輝將倪文俊陷川蜀命玉珍

守禦文俊死玉珍遂自據成都元史續編

是年九月玉珍訪求儒碩有陳隱君者居五峰山中玉珍

以萬戶告身招之不至明氏事蹟

至正十八年戊戌天完治平八年

明玉珍遣兵劫烏牛山寨破嘉定城又親率眾攻克大佛寨

自是蜀中郡縣相繼下盡有蜀川之地實錄

戊戌二月完者都自果州率兵至嘉定屯于大佛寺一名凌雲

規復重慶玉珍遣義弟明二領兵禦之明二者黃陂人也

智勇過人玉珍寵愛之妻以弟婦稱爲明二一曰後復姓

名曰萬勝明二攻嘉定夜遣軍人陳夜眼緣城劫烏牛山

寨擣嘉定城皆破之惟大佛寨未下相持越半載玉珍親

率兵攻之旬日完者都兵內潰入之趙資行省參政也與

完者都平章朗革反同守嘉定明二陷嘉定時完者都朗

革反先遁惟資守大佛明二執資妻於江岸以招資資噀

曰癡婦胡不死汝不見平章婦乎平章婦者朗革反妻城

陷時赴水死語畢以強弩射殺妻復欲射其子爲眾擁去

乃止已而大佛陷資亦遁三人者會于龍州謀興復爲游

兵執至重慶玉珍欲用之館之治平寺使人諭意二人曰

國破家亡祈速死耳玉珍猶欲生之時傳趙參政兵將至

遂同斬于大十字街蜀人謂之三忠玉珍以禮葬之

平夏錄

戊戌春二月完者都自果州來會蜀省平章朗革反參政趙資率兵屯嘉定州謀取重慶玉珍遣義弟明三領兵泝流圍攻嘉定未克相守半載玉珍兵駐瀘州己亥玉珍親領兵至嘉定圍之令明三率銳兵直趨成都時元行省平章買奴參政韓叔亨爲青城

一作青巾

賊所執城中窘迫

惟都事僻元理署省事守省兵皆新募者聞明兵至皆驚潰明三領兵入省中虜朗革反趙資妻子順流而歸朗革反妻謂舟中人曰吾家祖宗三世受羊皮宣命吾爲平章夫人義不受辱自投於江明三以趙資妻見玉珍玉珍待之以禮曰執政乃我中國人何故反爲胡虜守戰夫人能

招使降當裂士以贈翌日兩軍會戰玉珍驅資妻臨陣謂  
資曰妾與鎖兒受擒於此明公甚以禮待參政念結髮之  
情願子母之命言既共號泣其子亦大呼兩軍觀者淚下  
資住馬執弓厲聲曰癡婦不死何待乃引弓發矢中其胸  
殪之又欲射其子眾以盾護之乃免玉珍揮兵勇進分左  
右二翼襲之元兵大敗遂生擒完者都朗革反趙資至重  
慶戮于大十字街以禮葬之

明氏實錄

按實錄本傳及平夏錄不載玉珍遣明二攻成都事又皆  
載于戊戌年而不及己亥皆紀載之闕略也以明氏實錄  
爲正

按元史順帝紀辛丑五月癸丑四川明玉珍陷嘉定等路

李思齊遣兵擊敗之實錄本傳載在戊戌歲則相去四年矣玉珍之絕友諒稱隴蜀王在庚子歲而元史記于壬寅五月其稱帝于癸卯正月至玉珍之攻陷雲南在癸卯十二月而元史記于壬寅之三月其錯互不一如此蓋元史脩于洪武元二隴蜀未入職方之時而實錄則平夏之後本其載記而存之也斷當以實錄爲正

至正十九年

己亥天完治平九年

秋遣使貢於壽輝

實錄

時友諒矯命使會兵建康

平夏錄

十二月陳友諒以江州爲都迎僞主徐壽輝居之自稱漢王  
元史

至正二十年庚子天完治平十年

閏五月戊午陳友諒弒其主徐壽輝於采石實錄

明玉珍為徐壽輝立廟絕陳友諒不與通遂自稱隴蜀王實錄

本傳

庚子夏友諒弒壽輝自主玉珍曰陳友諒倪文俊同在徐

朝為臣子今弒逆予當討之遂令莫仁壽領兵守夔關絕

不與通立壽輝廟于城南春秋奉祀眾推玉珍為隴蜀王

平夏錄

玉珍攻四川陷成都殺戮既盡退居重慶陳矯徐命使會

兵建康既而憤陳之弒逆竟引兵歸曰汝能為帝我豈不

能帝耶據有全蜀之地絕不與陳通居位六年草木子

二十二年五月辛未明玉珍據成都自稱隴蜀王遣僞將  
楊尙書守重慶分兵寇龍州青州犯興元鞏昌等路元史順帝紀

玉珍爲隴蜀王因下令曰胡元運去中國豪傑並起而逐  
之予本鄉農因亂爲眾所推殆自爲保夫豈圖人邇者義  
兵一起羣醜底寧湖湘向化顧茲蜀地久被青巾之亂莫  
有爲之翦除老子奉天誅罪豈能自安已經殄歿凶徒幸  
爾坐收全蜀是乃天意夫豈人謀方今圖爲畫一之規與  
民共享太平之治誠恐百姓不知以予爲爭地殺人之師  
非弔民伐罪之舉予取爾蜀于青巾之手非取諸元爾輩  
亦當復見中華文明之化亦不可安于胡元之陋習也更

宜洗心從治慎勿取惡招尤

明氏實錄

至正二十一年

辛丑

四月以劉禎爲參謀

實錄

戊戌歲玉珍攻完者都道出瀘州宣使劉澤民曰此間有  
劉禎者字維周歷官大名路經歷元進士也有文章能政  
事避青巾李喜之亂隱居方山蓋往見焉玉珍曰可與俱  
來澤民曰此可就見不可坐致也明日遂往見之與語時  
事玉珍喜曰吾得一孔明也延至舟中卽舟中拜爲理問  
官朝夕侍講書史預決政事至是擢爲王國參謀禎屏人  
從容說玉珍曰今天下大亂中原無主西蜀形勝之地沃  
野千里東有瞿塘可以達江左北有劍門可以窺隴右自



遭青巾之虐民物凋耗明公加意撫養民幸蘇息民心歸附天命可知且陳友諒弒主自立明公必不肯聽命也此時若不稱大號以繫人心部下將士皆四方之人或思其鄉土而去明公尙難以自保全蜀況欲取天下乎弗聽明日禎又言戴壽張文炳力贊之聲息已彰于外說服者多玉珍不得已乃咨謀于眾其議始定

平夏錄 明氏實錄

至正二十二年

壬寅夏大統元年

春三月己酉玉珍自稱帝卽位於重慶國號大夏紀元天統立妻彭氏爲皇后子昇爲皇太子

實錄本傳 平夏錄並同 以後俱同上

壬寅三月己酉明玉珍稱帝于重慶

實錄

二十三年癸卯正月壬寅朔四月明玉珍僭稱皇帝建國